

# **LUZAYISU YA YINZA MUVIMBA YA BALUVE YA MUNTU**

*(Déclaration universelle des droits de l'homme)*  
**Traduction Kituba**



---

**Centre d'Information des Nations Unies - Brazzaville.**

---

## Nkotolo

Kilumbu ya 10, ngonda ya 12, mvula ya 1948, Lukutakanu yanene ya kimvuka ya Bayinsi ya Yinza kwizaka kundima luzayisu yayi ya baluve ya muntu na yinza mpe kwizaka kumwangisa nsangu ya yawu. Na manima ya dyambu yayi ya nkinzi, Lukutakanu kwizaka kulomba na Bayinsi-Binama ya Kimvuka ya Bayinsi ya Yinza na kusala nyonso samu na kumwanguisa nsangu ya Luzayisu yayi»mpe na kusala ti mukanda ya Luzayisu kukabulwa, kumanikwa, kutangama mpe kubangulwa vula-vula na balukolo, kutala ve diswaswanu ya bapolitiki ya bayinsi».

Boutros Boutros-Ghali  
Mfumu Yantete

Bantu nyonso kevwandaka na mbutukulu na baluve pe bimpwanza ya ngudi yina balenda kuyimina bantu ve, ya mutindu mosi.

Kimvuka ya Bayinsi ya Yinza mekukipesa kizitu ya kunwanina baluve ya konso muntu, ya kusala ti bazitisa yawu. Lukanu yayi mekatuka na Mukanda ya Misiku ya Kimvuka ya Bayinsi ya Yinza, na kati ya yawu makamba ya yinza muvimba ke na kusyamisa kimini ya bawu na dyambu ya baluve ya mfumu ya muntu na ngenda nyonso mpe na buzitu nyonso ya muntu.

Na kati ya mukanda ya Luzayisu ya baluve ya muntu, Kimvuka ya Bayinsi ya Yinza zabisaka pwelele baluve ya mutindu mosi samu na bantu nyonso.

Baluve yayi ke ya beno.

Baluve ya beno.

Beno longuka kuzaba yawu mbote-mbote. beno sala ti bazitisa yawu mpe beno nwaniña yawu, lube ya beno mosi mpe ya bampangi ya beno.

## LUZAYISU YA YINZA MUWIMBA YA BALUVE YA MUNTU Dyambu ya ntete

*Nakatalaka ti* kutambula ngenda ya binama nyonso ya dikanda na ya baluve ya bawu ya kudedakana mpe yina balenda kuyimina bawu ve ke lufulu ya kimpwanza, ya budedede mpe ya ngemba na kati ya yinza muvimba.

*Nakatalaka ti* bunzimbu mpe mwenzolo baluve ya muntu metumisa kusala mavanga ya bonyama, yina ke dasukisaka bantu mpe na kutalaka dyaka ti nkwlizulu ya yinza, sika bantu kevwandaka na kimpwanza ya kuzonza mpe ya kukwikila, sika bantu kekuluka na boma mpe na bumpu ya kulutila zababakanu mutindu dikani mosi yanene ya muntu,

*Nakatalaka ti* ya ke mfumu samu ti baluve ya muntu fwana kukengidila na luyalu yina kezitiska misiku samu na kusala ti munju fwana kutombuka ve ntangu nyonso na luyalu yina kezitiska ve misiku.

*Nakatalaka ti* ya ke mfumu na kukindisa nkudusulu ya kinkundi kati ya bayinsi,

*Nakatalaka ti* na kati ya Mukanda ya Misiku, makamba ya Bayinsi ya Yinza zabisaka dyaka kimini ya bawu na baluve ya mfumu ya muntu, na ngenda mpe buzitu ya muntu, na budedede ya baluve ya babakala na ua bakento, dyaka mpe yayi mebaka lukanu ya kuzangula, ya babakala na ya bakento, dyaka mpe makamba yai mebaka lukanu ya kuzangula mabuta mpe kukotisa lusingu ya kulutila mbote na kati ya kimpwanza mosi ya nene,

*Nakatalaka ti* bayinsi-binama kwizaka kubaka lukanu samu na kunwanina kisika mosi na kimvuka ya Bayinsi ya Yinza nzitusulu, na bantu nyonso ya yinzo, ya baluve ya muntu mpe ya bimvuka ya mfumu,

*Nakatalaka ti* kuvwanda na ngwilu na ngwilu na mutindu mosi na yina metadila baluve mpe bimpwanza yayi ke mfumu samu na kunungisa lukanu yayi.

## LUKUTAKANU YA NENE ke na kuzabisa

### LUZAYISU YAYI YA BALUVE YA MUNTU NA YINZA

Mutindu dikani ya kintwadi yina fwana kulandama na makamda nyonso mpe na bayinsi nyonso samu ti bantu nyonso mpe binama nyonso ya dibundu mabuta, kana babambukila moyo ntangu ni ntangu Luzayisu yayi, basadila ngolo, na nzila ya ndongokolo mpe ngyundululu, na kusadila ti baluve mpe bimpwanza yayi kuzituswa dyaka mpe samu na kusyamisa fyoti-fyoti ntambulu mpe nsalulu ya baluve yina na bantu nyonso kati ya bawu mosi bantu ya Bayinsi-Binama kimvuka mpe kati ya bantu babwala, yina ke na lutumu ya bayinsi yina.

#### Kibuku yantete

Bantu nyonso, na mbutukulu kevwandaka na kimpwanza ya bawu, ngenda mpe baluve ya mutindu mosi. Mayela na mbanzulu je na bawu, ni yawu yina bafwana kusalasana na bumpangi.

#### Kibuku ya 2

Muntu muntu lenda kusadila baluve nyonso mpe bimpwanza nyonso. Luzayisu yayi ke na kuzabikisa, nkondwa luswaswani ata mosi, mingi na yina metadila mukanda ya nzutu, kibakala to kikento, bandinga, mabundu ya Nzambi, mabanza ya politiki to mabanza yankaka metadila yinsi to mabuta, kimwama mbutukulu to nkadulu yankaka.

Dyaka, diswaswani ata mosi lenda ve kuvwanda na kitezo ya politiki ya lufundusu to ya yinza muvimba yina ke na kusadila na yinsi to bwala yina muntu katukakan, ata yinsi yina to bwala yina vwanda na kimpwanza, ata ya vwanda na lutumu ya yinsi yankaka, ata ya zwaka dipanda to ya vwanda kaka na mwa-ndambu ya kimpwanza.

#### Kibuku ya 3

Konso muntu ke na lube ya kuzinga, ya kuvwanda na kimpwanza mpe ya kuvwanda na kizunu ya bumumtu ya yandi.

## Kibuku ya 4

Ata muntu ve lenda kuwanda na bundongo to na bungamba; bundongo mpe mumbungu ya bandongo ya mutindu ni mutindu mekanikunwa.

## Kibuku ya 5

Ata muntu mosi ve lenda kunyekulwa, kana ve kusafulwa to kubakama mutindu kibulu yina kekatula yandi buzitu na nzutu.

## Kibuku ya 6

Muntu muntu ke na baluve kisika ni kisika yandi kele.

## Kibuku ya 7

Bantu nyonso ke mutindu mosi na ntadisi ya musiku, mpe musiku fwana kukengidila bawu kaka mutindu mosi nkondwa diswaswani kati na bawu. Bantu nyonso fwana kukengidila mutindu mosi samu na kubedisa konso kingambula, yina lenda kuzitisa ve Luzayisu yayi, mpe samu na kubabikisa dibanza nyonso kelanda yayi ya kugambula bampangi.

## Kibuku ya 8

Konso muntu ke na lube ya kufunda mavanga yina ke na kuzitisa ve baluve ya yandi ya mfumu, yina ke na kupesa yandi musiku to musiku ya ngudi, na lufundusu ya yinsi ya yandi yina mefwana na kutala mambu ya mutindu yayi.

## Kibuku ya 9

Ata muntu mosi ve lenda, mpamba-mpamba, kukangama kukota boloko to kukimisia na yinsi ya nzenza.

## Kibuku ya 10

Konso muntu na tangu ya lufundusu, ke na lube na budedede nyonso, na kuzabikisa mabanza ya yandi na mutindu mefwana kana ntawala ya bantu nyonso ntete lufundusu yayi pesa, na kimpwanza nyonso, nzengolo to ya baluve ya yandi mpe bambindumunu, to butsyeleka mpe luvunu ya mambu yina bamfundila yandi.

## Kibuku ya 11

1)- Konso muntu mefundamana dyambu yandi mesala ke na maboko mpembe ti ntangu bakesfundisa yandi. Na lufundusu

yayi, kesalamaka na meso ya bantu nyonso, yandi ke na yinswa ya kubokila nzonzi.

2)- Ata muntu mosi ve lenda kuzwa kitumbu ya mambu yandi mesala, kana na ntangu yayi salamaka, vwandaka ntete ve mbeba na kulandaka musiku ya yinsi to ya yinza. Dyaka, ata kitumbu mosi yanene lenda kubakama ve ya kulutila yina bakamaka na ntangu yina dyambu salamaka.

#### Kibuku ya 12

Ata muntu ve lenda kukota mpamba-mpamba na mambu metadila lizingu, dikanda, yinzo mpe mikanda ya ngana, dyaka mpe kusafula yandi. Muntu nyonso ke na luve ya kukengidilwa na musiku na dyambu yayi ya bukota-kota mpe nsafula.

#### Kibuku ya 13

1)- Konso muntu ke luve ya kuzyeta kisika yandi mezola mpe luve ya kusola na kimpwanza nyonso kisika ya kuzinga na kati ya yinsi.

2)- Konso muntu ke na luve ya kubika yinsi ni yinsi, ata ya yandi mosi, samu na kukwenda na yinsi yankaka. Yandi ke na kimpwanza ya kuvutukila yinsi ya yandi.

#### Kibuku ya 14

1)- na ntawa ya bankwamusu, konso muntu ke na luve ya kusosa mpe kuzwa kisika ya kubumba nzutu ya yandi na bayinsi yankaka.

2)- Luve yayi lenda kupesama ve na kilombi yina mefundama na dyambu mosi ya nene to samu na nsalulu ya mambu ke na kudelakana ve na musiku ya kimvuka ya Bayinsi ya Yinza.

#### Kibuku ya 15

1)- Konso muntu ke na luve ya bumwisi-nsi.

2)- Ata muntu mosi ve lenda kukatula yandi bumwisi-si mpamba-mpamba mpe kuyimina yandi na kusoba yawu samu na kukuma muntu ya yinsi yankaka.

#### Kibuku ya 16

1)- Kento mpe bakala kana bamelugisa yimene bamvula mefwanan samu na kukwelana, bake na luve ya kukwelana mpe kuyidika dikanda ya bawu kutala ve mukanda ya nzutu ya bawu, bumwisi-si to mabundu ya bawu ya Nzambi. Baka na baluve ya mutindu mosi na yina metala makwela kefwaka.

2)- Makwela lenda kusalama kaka kana kento na bakala bawu mosi mendima na ntima mosi.

3)- Dikanda ke lululu ya dibundu ya mabuta mpe yafwana kukengidilwa na dibundu ya mabuta ya luyalu.

#### Kibuku ya 17

1)- Konso mutu ata yandi vwanda yandi mosi to yandi vwanda na kimvuka, ke na luve ya mvwilu.

2)- Balenda va kuyimina mpe kubotula mvwilu na muntu mpamba-mpamba.

#### Kibuku ya 18

Konso muntu ke na luve ya mayindu, ya lukwikulu mpe ya lusambulu. Yandi ke na kimpwanza ya kusoba dibundi ya Nzambi to lukwikulu; mpe dyaka yandi lenda na kimpwaza nyonso yandi mosi to kintwadi na bampangi na yandi ata na meso ya bantu nyonso to nakinsweki, na nsila ya ndongosolo, ya bansalulu, ya bisambu mpe nsalulu ya mona ya dibundi.

#### Kibuku ya 19

Konso muntu ke na luve ya kimpwanza ya mabanza mpe ya kinzonzi ni yawu yina yandi lenda ve kutala boma samu na mabanza ya yandi, dyaka mpe na kusosa kuzwa mpe kumwangisa nsangu ya mabanza ya yandi kisika ni kisika na mutindu yina yandizola kumwangisila nsangu ya yawu.

#### Kibuku ya 20

1)- Konso muntu ke na luve ya kuzwa kisika na lukutakanu mpe na kimvuka ya kuzuna.

2)- Ata muntu mosi lenda ve kundima kuvwanda kinama ya kimvuka ni kimvuka.

#### Kibuku ya 21

1)- Konso muntu ke na luve ya kutula mabokò na twalusulu ya bisalu ya luyalu ya yinsi ya yandi mosi kana ve na kinima ya bimonikisi yina yandi solaka na kimpwanza nyonso.

2)- Konso muntu ke na luve mutindu bampangi nyonso ya kusala bisalu ya luyalu ya yinsi ya yandi.

3)- Luzolo ya dikamba ke lululu ya ngolo ya lutumu ya luyalu, lulolo yayi fwana kumonika na bavoti yakedika, yina fwana kusalama ntangu na ntangu, na bantu nyonso ya yinsi mpe na kinsweki to na mutindu yankaka ya nsalulu mefwanakana, yina lenda sala ti luvoti salama na kimpwanza nyonso.

#### Kibuku ya 22

Konso, yina ke kinama ya dibundu ya mabuta, ke na luve ya kuzwa lusalusu ya bayinzo-basadisi mabuta; lusalusu yayi fwana kuyukutisa bansatu ya baluve ya yandi ya kimvwama, ya mabuta mpe ya lusansu yina melunga samu na ngenda ya yandi mpe nkudusulu ya kimuntu ya yandi, yina lenda kusalama na lusalusu ya bangolo ya yinsi mpe na nsalasani ya bayinsi nyonso ya yinza, na kutalaka ntomasono mpe bimvwama ya konso yinsi.

#### Kibuku ya 23

1)- Konso muntu ke na luve ya kusala, yandi ke na kimpwanza ya kusola kisalu yina yandi zola, na bankadulu ya kufwanakana mpe ya mbote samu na kisalu. Yandi mpe fwana kukengidilwa samu ti yandi kukota ve na busomele.

2)- Na kisalu ya mutindu mosi, bantu nyonso nkondwa diswaswanu fwana kuzwa difuta ya mutindu mosi.

3)- Muntu ni muntu kesalaka fwana kuzwa difuta yina mefwanakana, yina kesala ti yandi na dikanda na yandi bakuzwa lizingu yina medelakana na ngenda ya muntu. Ntangu yankaka luyalu fwana kubwela lusalusu ya lukengolo mabuta.

4)- Konso muntu ke na luve ya kuyidika kintwadi na bantu yankaka, bimvuka ya bisadi mpe kukota na himvuka ya bisadi samu na kunwanina bandantu ya yandi.

#### Kibuku ya 24

Konso muntu ke na luve ya kuvundisa nzutu mpe kukiyangidika, mingi kisalu fwana kuzingila na bangunga kulutila ve, mpe bilumbu ya mvwandulu fwana kufutwa.

#### Kibuku ya 25

1)- Konso muntu fwana kuzinga mutindu mefwanakana, yina kepesa na yandi mpe na dikanda ya yandi mavimpi ya mbote, mawete vula-vula na dyambu ya madya, muvvatu, yinzo, mbokusulu na lupitalu mpe lusalusu ya kulunga kepesamaka na bayinzo ya luyalu yina kesadisaka mabuta. Luyalu fwana kusadisa konso muntu yina kesalaka ve, mbevo, muntu yakumanisa bangolo, mufwidhi, kiboba to ntangu yankaka kana kimvwama ya yandi yayi mewombila na mambu yandi zolaka ve.

2)- Luyalu fwana kusadisa mama mpe mwana ya yandi. Bana nyonso ke na luve ya kuzwa lusalusu ya mutindu mosi, yina kekatukaka na bayinzo bisadi-mabuta, ata babutuka na bibuti ya kukwelana na komanda to ve.

#### Kibuku ya 26

1)- Konso muntu ke na luve ya kulonguka. Ndongokolo fwana kuvwanda ya mfutwa ve, vula-vula na lukolo ya mbatukulu mpe kolezi. Konso mwana fwana kusala lukolo ya mbatukulu. Ndongokolo ya tekiniiki mpe ya bisalu fwana kuvwanda bisika nyonso; ndongokolo na lukolo ya nene ke na bantu nyonso nakatalaka lenda ya bawu.

2)- Ndongokolo fwana kulanda ndubukulu ya muntu mpe nkobosolo ya nzitusulu ya baluve ya muntu mpe bimpwanza ya mfumu. Ya fwana kupesa nzila na ngwilu, nzitusulu mpangi mpe kinkundi kati ya bayinsi nyonso mpe makanda nyonso ya bantu to mabundu ya Nzambi, kuzimbana ve nzangululu ya bisalu ya Kimvuka ya Bayinsi ya Yinza sa nkebolo kizunu.

3)- Bibuti ke bantu yantete na kuvwanda na luve ya kusola mutindu ya malonga yina fwana kupesama na bana ya bawu.

#### Kibuku ya 27

1)- Konso muntu ke na luve ya kuzangula lusansu ya kifumba yandi mevvilwa, kusadila weto mpe kudyatikisa manunga ya luzabu.

**2)- Bandandu ya kimpeve mpe ya bima ya muntu, yina mekatuka kuzwa na manima ya kisalu ya luzabu to weto fwana kukengidilwa.**

### **Kibuku ya 28**

**Konso muntu fwana kusalati, ata ya vwanda na kitini ya mabuta to na kitini ya yinza muvimba, baluve mpe kimpwanza yina metangama na luzayisu yayi kusalama na mutindu mefwanakana.**

### **Kibuku ya 29**

**1)- Konso muntu ke na bambindumunu na ntadisi ya kifumba yandi mevwilwa, sika nkudusulu ya kimuntu ya yandi lenda kusalama na kimpwanza nyonso.**

**2)- Konso muntu fwana kusadila baluve ya yandi mpe bimpwanza ya yandi na bitezo ya musiku samu na kutambula mpe kusitisa baluve mpe bimpwanza ya bangana mpe dyaka samu kuzitisa luyalu mpe mawete na bantu nyonso na kati ya dibundi ya bumbongi ya mabuta.**

**3)- Baluve mpe bimpwanza yayi lenda kušalama ata ve kana yawu kedyatila ve kintwadi na makani ya Kimvuka ya Bayinsi ya Yinza.**

### **Kibuku ya 30**

**Ata musiku mosi ya luzayisu yayi lenda kubangulwa bonso luve ni luve ya kusala kisalu to dyambu lenda kunata mbebosolo ya baluve mpe ya bimpwanza yina metangama na mukanda yayi, yayi metadila muvimba, kimvuka to muntu.**

